



ᐅᑦᑎᐅᑦᑎᐅᑦᑎᐅᑦᑎᐅᑦᑎᐅᑦ  
Building Nunavut Together  
Nunavut iluqatigiingniq  
Bâtir le Nunavut ensemble

ᑦᑎᐅᑦᑎᐅᑦᑎᐅᑦᑎᐅᑦᑎᐅᑦ  
Office of Premier Joe Savikataaq  
Hivuliqtip Joe Savikataaq Havakvingani  
Bureau du Premier ministre Joe Savikataaq

John Main, Maligaliuqti  
Ikhivautalik, Tamainun Katimajiinnun Katimajuarut  
Nunavunmi Maligaliurvia  
Titiqqivingmi Qiuqutaa 1200  
Iqaluit, NU X0A 0H0

Qiqaijalarvia 29, 2019

### **Uvuuna: 2019-2020 Titiqqidjut Ihumagijakhainut Ministat Katimaiinginni Nunavunmi**

Halu Mr. Main,

Hamna titiqqidjut kiudjutaa Qiqaijarluarvia 22, 2019 titiqqidjunmut, tigumiaqtaupluni tunijauhijajuq uvamnut ubluani Qiqaijarluarvia 24, 2019. Hivuliqtiuplunga, uqaffarumajara tikkuaqtauniat tamaita ilaujunut Maligaliurvingmi Hivuliqtiujut ihumagijakhangat hivunikhaliurnikkut kiunaqtunik kiudjutikhainiklu Maligaliuqtiinnut Maligaliurvingmi imaalu Nunavunmi Inungnut. Naunairumajara tujuutigijatka titiqqidjutitka maligaliuqatimnut uvamnik.

Tamapta pittiaqtavut Maligaliuqtit havaktakhangit munarijakhangillu kavamakput kiunnaqtumik talvuuna naunaijattiaqhijamunik manikhait atuqtaujukhat, havauhikhanut upalungaijautikhat, maligakhat atugakhallu. Hapkuat atuqtaukpiaktukhat naunaiqtaudjutikhanik pijungnautit kiunnaqtullu pidjutihainik tikinnahuaqtanut ihuaqhaqtauhimajut pinahuaqtaptigni, Turaaqtavut, ilaudjutikhaliuqhijamjavut.

Titiqqidjutingni, naunaiqtat ilauju "naunaiqtauhimajut aularanginaqtummik naunaiqtaujut qaffit aularanginaqtut havauhiinut ajuqhautainik Ministat Katimajinginut." Naunaiqtakhallu pittiarinnikkut munarijakhatka Hivuliqtiuplunga, ihuaqharnahuaqhugit qanuqtutliqak ajuqhautit. Havagiami havaarijakhatka, uniudjaujukhaujunga naliinnik ihumalugijaujunik pidjutiqaqtuniklu havaarijainut maligaliuqatitka ilaujut talvani Ministat Katimaiinginni. Taimaittumik naunaiqtauhimajut ajuqhautit uvamnut uqaqtaukpata, havalimaitatka munarijakhatka ihuaqtumik havaakhatka ihuaqtumiklu havaktaujakhainnut maliktakhaliuqqata.

Naunairumajara qainginnariaqaqtuhi apiqqutikhaqaruffi ihumaluutiqaqaruffiluunniit ukkuara angmaumainnaqtuq atugakhaq imaalu tun'ngahuktinnaqtavut maligaliuqtit ilautquplugitlu

uvamnut maligaliuqatitkalu Ministanut uqautigilugit hunatliqaak ihumaluutaujut ihuigijaujulluuniit. Hamna tuhaqtittumajara maligaliuqativut ukunani Maligaliuqtit Katimajingit qainginnariaqaqtut ihuiguhukkumik. Hamna anginiqaqtuq, munarijakhariqaptigiik tamaita pijakhavut, inungmut upautiluta, qaritaujakkut titiqidjutikkut, hivajautikkut, uqarvigijaami tamaita maliqqaliuqtit tamainnut anginiqaqtunut ajuqhautajunut ihuaqhaqtakhaptingniklu.

Pidjutajunik nalliinnut naunaijattiaqhimaqut pitquajujutin titiraqtatit titiqqidjutingni uqarumajatka hapkuat:

1. **Tamainnut ilaujunut Ministat Katimaiinginni uqaudjauut** tamainnik angijunik ajuqhautinut, uuktuutikhanut, akiliqtaujukhanut unalu maligakhainut pidjutiaqtunik ministait munarijakhainut. Titiqqiqijvut havaktit havakpiakpaktut taimatut pijangini tamainnik havaktakhamingnik.
2. **Imaalu 3 pingahunut titiqqidjuingni.** Ukuak naunaitkutik takunnaqtuk ihuittumik pidjutiaqtuuk aallangiinguplutiklu avatingnut. Ilaani kiudjutikhat ihuaqtut pijariaqaqtut, ilaanittauq ihuatqijamik kiujariaqaqhutiklu. Qanurinnianit ajuqhautajut, Ministait ihumaliuqtpaktut qanuqtut kiudjutikhamingnik.
3. Naunairlugi kiudjutikhaa uumani #2.
4. **Tamainnut ilaujunut Ministat Katimaiinginni havakpiakpaktut akhuuqhutik** havaqatgiplugit Ministait hapkuat kiudjutikhangit tunijaunaririanginni ihuaqtumik. Atuqtavut atuqhimmaarniaqtavullu ihuaqhariiqhimaqut kiudjutikhanut. Naunairniaqtara ilaani, ilangit ajuqhautit/apiqqutit ajurnatqijajut idjuhingit ihumaliurutauletiklu ihuaqtumik kiudjutikhanik, ihuaqtunik naunaiqtaujukhanik tunijaujukhaniklu Maligaliuqtinut.
5. **Tamaita ilaujunut Maligaliurvingmi Hivuliqtujut** tunihidjavut ihumaliurutikhainik pitqujidjutikhanut havaktauhimajut katimajiralaanit inungnillu Maligaliuqtiinnit Maligaliurviup pidjutiaqtunik havagviinut ukuallu Kavamaup timiqutigijangit maniit atuqtaujukhat unalu havauhikhanut upalungaijautikhat. Hapkuat ihumaliurutauhimajut ihuaqtumik pijumaplutik, pijariaqaqallu, kangiqhittiarutikhanginnik tunijauvaktut Maligaliuqtit hunatigut ihuiguuutaullajunut qanngutauniaqtunulluuniit.
6. **Tamaita ilaujunut Maligaliurvingmi Hivuliqtujut** imaatullu katimadjutikhanut uqautikhanik iliuraktakhanik, tunihinarirnahuartutik, titiqqatlu tukhiqtaujut maligaqliuqtinut. Talvuunallu, ilihimagumik kinguvaktinniaqtumik Ministap tunihidjutikhanik katimadjutikhanut titiqqanik, ilitturipkainariqpaktukhajut.
7. **Tamaita ilaujunut Maligaliurvingmi Hivuliqtujut** angmaumavaktut ihuaqtumiklu uqarvikhainik katimajiralatkunut imaalu Maligaliuqtiinnut Maligaliurvingmi. Maliqajariaqaqtainik Havagvianit Maligaliurviup tunijauqattaliqpaktut qakugungurangat. Talvuunallu, havagviga qaitquhimajaa


Titiraqta Maligaliurviup ilaudquplugit Ministaujut havaktingit pijanginni kangiqhimattiarlutik qanuqtut ilitturipkaidjutikhanik Ministanit Maligaliuqtinut tunijauhikhanut. Havagumainnaqtugut tuharumaplutallu ihumagijaffingnik.

Qujagijagit tuhaqtitigavit tunihiniaqhimaplutit katimadjutikhanut titiqqidjutingnik. Uvanganu, upalungaiqhimaniaqtunga tunihilunga katimadjutikhanginnik kiudjutikhamnik Maligaliurvingmi.

Uqautigirjumajatka anginiqaqtuq ilaupkaipluni ilaujunik Ministat Katimaiinginni qakugunguraangat ihuiguuutiqqalirangat ihuaqhaqtaujukhanik, ihuigijaujut ihuaqhaqtaunahuaqtukhat nakuujumik. Hivuagut uqautigititlugu, unniqtaujukhaujunga qanurilidjutinut talvuuna "havaanginnut ihumaalungnaqtunik" ilaujunut Ministat Katimaiinginni. Uplaungaiqhimaniaqtunga Ipijangini ihuaqtumik ihuaqhaidjutikhanginik, pijariaqaqqata.

Qakuguliqaak uqaqatigijumagungma hapkunuuna havaqatigijatillu talvuuna Maligaliuqtinut Ilaujut Katimatitlugit.

Pittiarnikkut,



Joe Savikataaq, Hivuliqti  
Nunavut Kavamanga

Aadjiliuqhimayuq: Katimajiinnun Maligaliurvingmi  
Havagvia Uqaqtittiji